



# mjesečni Bilten

omladinska mreža bosne i hercegovine

mart  
ožujak  
2019.

238

## Dragi prijatelji/ce,

Predstavljamo vam **martovsko** izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **186** organizacija i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

[www.omladina-bih.net](http://www.omladina-bih.net)



### SADRŽAJ

Aktivnosti u martu 2019. ....	2
Planovi za april 2019. ....	5
Aktivnosti članova mreže.....	6
Saopštenja/informacije/donatori/pozivi .....	22

Uživajte u čitanju!

## AKTIVNOSTI ORC/HCA U MARTU 2019.

### Odliv stanovništva iz BiH: motiv i perspektive



Naš član Benjamin Burek je 20 marta učestvovao na okruglom stolu u organizaciji Nacionalnog demokratskog instituta u BiH.

Predstavnici političkih strankama, nevladinih organizacija i udruženjima razgovarali su na temu "Odliv stanovništva iz BiH: motivi i prespektive".

Okrugli stol je održan u V.I.P. sali hotela Mellain, a moderirao ga je prof. dr. Srđan Dušanić, vanredni profesor na Filozofskom fakultetu u Banja Luci.

Na okruglom stolu su doneseni zaključci da problem odliva stanovništva uz BiH nije samo u destruktivnoj politici koja se vodi godinama

ekonomiji, zakonodavstvu, proceduralnom stanju i slično.

### Program malih grantova za osnaživanje žena Ambasade SAD u Bosni i Hercegovini

Informativna sesija Američke ambasade u BiH održala se u srijedu, 20. marta. Gđa. Elizabeth Blumenthal iz Ambasade SAD u Bosni i Hercegovini učesnicima je predstavila program, pružila savjete za apliciranje, podijelila uspješne priče, te odgovorila na pitanja u vezi sa svim aspektima programa.

Program podržava inicijative kojima se promoviše liderstvo žena, političko, ekonomsko i društveno osnaživanje žena u Bosni i Hercegovini, i to u oblasti ekonomskog osnaživanja žena i djevojčica, jačanja liderstva žena u svim oblastima, osnaživanja djevojčica i mladih žena da postanu liderke u svojim školama, zajednicama i zemlji, prevencije rodno zasnovanog nasilja, i javne svijesti o problemima zdravlja žena. Grantovi se dodjeljuju u iznosu od 1.000 do 25.000 USD. Učešće ispred ORC-a Tuzla na informativnoj sesiji uzela je Mirela Biković.



### RAN Young Empowerment Academy

Omladinski resursni centar Tuzla - ORC Tuzla uz PRONI Centar kao jedini predstavnici iz BiH učestvuju na prvom od četiri modula "RAN Young Empowerment Academy", koju organizuje Radicalisation Awareness Network - RAN podržan od Council of the European Union u Amsterdamu, Holandija.



Na prvom modulu unapređuju se ideje lokalne inicijative koju će učesnici sprovesti u toku ove godine, a tema akademije kao i inicijativa je prevencija nasilnog ekstremizma. Ispred Omladinskog resursnog centra Tuzla na treningu je učestvovao Slobodan Blagovčanin.

## Trening za trenere – Društvene inovacije i pomirenje



U Draču, Albanija je od 10. do 15. marta održan trening za trenere u sklopu projekta Divided Past – Joint Future za Regionalnu laboratoriju društvenih inovacija na polju izgradnje mira i pomirenja, baziranu na međusektorski pristup i pristup kroz neformalno obrazovanje. Na treningu su učestvovali omladinski radnici, treneri i edukatori iz zemalja Zapadnog Balkana: Bosne i Hercegovine, Srbije, Crne Gore, Sjeverne Makedonije, Kosova i Albanije, kao i iz Turske.

Cilj treninga bio je razvoj kapaciteta trenera za diseminaciju i implementaciju metodologije Regionalne laboratorije društvenih inovacija bazirane na međusektorski pristup zagovaranju i neformalnoj edukaciji na polju mira i pomirenja, kao i pružanje prilike mirovnim radnicima da se umreže za svojim kolegama iz regije.

Divided Past – Joint Future je četverogodišnji projekat koji je podržan od Evropske Komisije, kroz program IPA fondova. Na treningu je učestvovalo 14 omladinskih radnika, a predstavnici ORC-a Tuzla su bili Slobodan Blagovčanin i Emir Karamujić. Domaćin treninga je bila organizacija Beyond Barriers iz Albanije.



## Građani protiv terorizma – CAT

Tokom mjeseca marta, nastavili smo sa našim redovnim aktivnostima u sklopu projekta „Građani protiv terorizma – CAT“. Naše mačke su nastavile da oduševljavaju javnost na društvenim mrežama svojim objavama mirovnog karaktera.

Ukoliko još uvijek ne pratite naše mačke – pozivamo vas da to učinite na:

[www.facebook.com/CATBiH](http://www.facebook.com/CATBiH)



## Omladinska grupa ORC Tuzla

### Izbori se za ravnopravnost



U toku mjeseca marta članovi OG ORC-a Tuzla Kenan Suljić i Mirela Biković aktivno su u sklopu inicijative „Izbori se za ravnopravnost“ skupljali potpise građana Bosne i Hercegovine za istoimenu peticiju. Inicijativa se zalaže za ravnopravnost spolova u BiH i jednake mogućnosti žena i muškaraca u javnom i političkom sektoru. Cilj je podstaknuti donosiocima odluka na implementiranje i poštivanje Zakona o ravnopravnosti spolova u BiH.

Samo odlučni i ravnopravni možemo mijenjati svijet!

### Dodijeljeni certifikati članovima odbora Omladinske banke



Nakon uspješno okončanih mandata u 2018. godini u Omladinskoj banci mladi volonteri Omladinske banke preuzeli su u četvrtak 22.03. u Kamernoj sali Centra za kulturu svoje certifikate. Svečanoj dodjeli koju su organizirali koordinatori Omladinske banke pri Fondaciji tuzlanske zajednice prisustvovala je i direktorica Fondacija Jasna Jašarević.

Nakon što je istekao mandat trenutnim članovima, više od 100 mladih ljudi i ove godine preuzet će mjesto u odborima Omladinske banke u 5 općina Tuzlanskog kantona. Mladi iz Tuzle, Lukavca, Živinica, Kalesije i Srebrenika će kroz jednogodišnji volonterski angažman raditi na dobrobiti mladih i svoje zajednice, a među njima i članovi Omladinske

grupe ORC-a Tuzla Benjamin Burek i Nerma Ibrahimović.

Članovi i članice odbora Omladinske banke imat će priliku u toku jednogodišnjeg volonterskog rada u odborima da u ime Fondacije tuzlanske zajednice donose odluke o podršci projektima mladih u svojim zajednicama.



Omladinska banka puno je više od samog volontiranja za dobrobit zajednice. Prilika je to mladima da se druže, upoznaju, zabave, razmijene ideje i postanu bolji te aktivniji članovi svoje zajednice. Već tradicionalno od 2004. godine Omladinska banka jedan je od najuspješnijih projekata Fondacije tuzlanske zajednice.

## REDOVNE AKTIVNOSTI ORC I hCa TUZLA

Tokom marta radili smo na održavanju i razvoju komunikacija i koordinacije unutar Omladinske mreže Bosne i Hercegovine ([www.omladina-bih.net](http://www.omladina-bih.net)). U okviru toga smo svakodnevno na mejling listu mreže ([posta@omladina-bih.net](mailto:posta@omladina-bih.net)), ali i na druge adrese u Bosni i Hercegovini i regiji distribuivali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

## PLANOVI hCa/ORC-A ZA APRIL 2019.

- Početak implementacije nove kampanje - „CAT 19“. U okviru ovog projekta u naredom periodu naše aktivnosti su nastavak sa partnerima, pripreme tehničkog dijela kampanje, te planiranje kampanje.
- Aktivnosti omladinske grupe ORC-a Tuzla
- Pripreme za početak aktivnosti ALF BH mreže (2019. – 2020)
- Nastavak apliciranja za projekte i učešće u partnerskim projektima u regiji
- Nastavak aktivnosti u okviru partnerskog projekta koji vodi PRONI Brčko – “Mladi u borbi protiv nasilnog ekstremizma”, a u okviru programa MATRA Nizozemske ambasade u Sarajevu. Više o ovome u narednim biltenima.

## AKTIVNOSTI ČLANICA OMLADINSKE MREŽE BiH

Institut za  
razvoj mladih KULT



Ul. 4. Viteške brigade  
34 – 36 BA, 71210 Ilidža,  
Sarajevo  
Tel: +387 33 778 778.  
Fax: +387 33 778 79  
E-mail: kult@mladi.org, web:  
www.mladi.org

### Mladi političari i političarke učili o zagovaranju

Politički lideri i liderice iz dvanaest političkih stranaka iz Bosne i Hercegovine učili su o zagovaranju i komunikacijskim kanalima u politici tokom drugog dijela obuke Uči, misli i djeluj za omladinske političke lidere/ice – UMiDp.



Obuka je organizovana u Konjicu od 6. do 10. marta 2019. g. a tema obuke bila je i inicijative za poboljšanje položaja mladih u BiH.

U okviru dijela Kafa sa... polaznici i polaznice imali su priliku razgovarati sa Irfanom Čengiće, sekretarom SDP-a, te Admirom Kurićem, bivšim općinskim vijećnikom SDA.

Obuku Uči, misli i djeluj za omladinske političke lidere/ice za drugu generaciju – UMiDp pohađa 22 mladih iz cijele Bosne i Hercegovine.

Cilj obuke je osnažiti mlade članove/ice različitih političkih stranaka registriranih u BiH, koji imaju od 18 do 30 godina za izgradnju političke karijere za koju su motivirani te za angažman na unaprjeđenju položaja mladih u BiH.

### UmiDovci se pridružili Trash Challenge-u

Polaznice i polaznici Institutove obuke za omladinske lidere/ice pridružili su se Trash Challenge-u i tokom vikenda očistili područje oko Obrazovno-raznodnog centra za mlade Spajalica na Ilidži.

U sklopu treninga na temu volontiranja i građanski aktivizam, 20 mladih iz cijele BiH seminarSKU salu zamijenili su aktivističkom akcijom čišćenja zelenih površina. Nakon dva dana učenja o važnosti sudjelovanja u društvu i volonterskog angažmana, ovi mladi za manje od sat vremena očistili su područje posjećenog izletišta u Ilidži. Na ovaj način pridružili su se popularnom pokretu Trash Challenge koji za cilj ima potaknuti građane/ke na ekološke akcije čišćenja svojih sredina s fotografijom prije i poslije akcije.

„Modul volontiranja i građanski aktivizam pomogao mi je na mnogo načina, a najviše jer sam potaknut da budem što aktivniji u svojoj lokalnoj zajednici. Veliko iskustvo i znanje trenera će mi biti korisno kako poboljšati sebe u tim segmentima. Očuvanje okoliša je bitna stvar za mene i za osobe koje zapažaju naš rad. Samim tim volonterska akcija koju smo sproveli na modulu je osvijestila mnoge o očuvanju prirodnih ljepota. Za kraj bih rekao, biti aktivan i vječit u pokretu, jer ako stojimo ne postojimo“, Elmin Sušić (18), Bihać.

Tokom modula održana je i Kafa sa ... Samirom Mahmićem, koordinatorom Mreže Stariji brat, starija sestra, koji je ujedno dugogodišnji aktivista.



Polaznici/e obuke UMiD nastavljaju s radom i 11. aprila ponovo će se okupiti u Spjalici kako bi učili o lokalnim građanskim inicijativama, koje će provoditi u svojim gradovima tokom trajanja obuke.





## H.O. MUSLIMANSKO DOBROTVORNO DRUŠTVO – MERHAMET DOBOJ

Ul. Kralja Aleksandra 17, 74000 Dobož  
Tel./fax: +387 53 226 886  
E-mail: merhamet.doboj@cutuk.net  
FB: www.facebook.com/Merhamet-Doboj

Osim stalnih aktivnosti koje podrazumjevaju: Evidentiranje članarine, štampanje korisnicima molbi, žalbi, raznih dopisa, fotokopiranja, rada sa članovima, pružanja informacija, raspodjele humanitarne pomoći, izrada projekata i prisustvo seminarima, okruglim stolovima i drugim sesijama, Merhamet Dobož je tokom februara radio na sljedećem:

**7. marta** u Dobožu, Koalicija "Tolerantno i pozitivno" iz Doboža obilježila je Sedmicu izgradnje mira, solidarnosti i ženskih prava, koja se provodi u 54 općine/opštine u BiH. Sumirani su i rezultati iz prošle godine i plan za 2019 god. Predloženo je više aktivnosti tako da ćemo realizirati prioritete.



**12. marta** predsjednica "Merhamet-a" Avdić Faketa prisustvovala je sastanku "Lokalne akcione grupe", sa koordinatorima Svjetske banke. Na sastanku su se sumirali rezultati i kreirale nove ideje koje bi potpomogle da u gradu Dobožu borba protiv pušenja, droge, alkoholizma i zdrave ishrane bude na višem nivou.



**19. marta** održan je treći sastanak na kojem smo finalizirali okvirni opis rada lokalne dijaloške platforme i okvirni prijedlog za institucionalizaciju lokalne dijaloške platforme. Sastanak je bio konstruktivan i nadamo se da će se predložene ideje realizirati.





## Udruženje građana "C.E.Z.A.R." Srbac

Zdravka Čelara 29, 78420 Srbac

Tel: 051 928 126

e-mail: zdravosrbac@yahoo.com

## Besplatne kreativne radionice

U ovom mjesecu ponovo smo počeli sa ciklusom besplatnih kreativnih radionica u našem udruženju. Svakog petka od 12 do 14 časova izrađujemo nakit i podstičemo kreativnost kod naših učesnika raznih uzrasta.



Nakit izrađen na ovim radionicama uvijek se nađe na nekoj od prodajnih izložbi. Tako smo ovog mjeseca učestvovali na Osmomartovskom sajmu u centru grada. Iznijeli smo naše kreativne radove na štand i prodavali, svako je našao po nešto kod nas za svoje najdraže pripadnice ljepšeg pola.



## Mali kreativci u posjeti Narodnoj biblioteci

Polaznici kreativne radionice “Mali kreativci” našeg udruženja i članovi Dječijeg odjeljenja Narodne biblioteke Srbac organizovali su zajedničku radionicu povodom Međunarodnog dana žena – 8 marta. Kreativna radionica je organizovana u čitaonici biblioteke a mališani su izrađivali osmomartovske čestitke kojima su iznenadili svoje majke.



Radionicu su vodili koordinatori udruženja “C.E.Z.A.R.” i Dječijeg odjeljenja Narodne biblioteke, Suzana Šarić i Karolina Stanišljević.

Mališani su ujedno upoznati sa radom dječijeg odjeljenja i bogatom literaturom za najmlađi uzrast koju posjeduje srbačka biblioteka.

## Izrada sapuna od kozijeg mlijeka

Učenici hemičarske sekcije zajedno sa svojom profesoricom u našim prostorijama izrađivali su sapune od kozijeg mlijeka. Glavne instrukcije imali su od Nebojše koji je i donio sav potreban materijal. Radionica je trajala sat vremena i za to vrijeme izradili su sapune sa mirisom lavande u raznim oblicima.





## OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH  
Tel./Fax: +387 49 211 032  
E-mail: [svitac@gmail.net](mailto:svitac@gmail.net)  
Web: [www.svitac.org](http://www.svitac.org)  
FB: [www.facebook.com/omladinska.svitac](https://www.facebook.com/omladinska.svitac)

## Dnevne radionice

Omladinska organizacija Svitac je nastavila sa svakodnevnim aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Mlađi učesnici su kreirali edukativne stvari uz pomoć lokalnih i međunarodnih volontera: učili su o ravnopravnosti, drugarstvu i dijeljenju stvari, o važnosti jezika i komunikacije/neverbalne komunikacije; najmlađi učesnici su takođe pravili držače za olovke, pauke od papira i znak mira od plastelina. Na muzičkim radionicama su vježbali pjesme „Baby shark“ i „Do-Re-Mi“, te su i ovaj mjesec imali priliku muzicirati zajedno na raznim udaraljka i akustičnim instrumentima. Ovaj mjesec smo nastavili i sa radionicama čitanja i slušanja priča (Palčić i Zlatna guska).

Materijal korišten na radionicama je karton u boji, kolaž papir, drvene i masne bojice, makaze, ljepilo, šljokice, drveni štapići, dekorativni i ukrasni papir, stickeri, radni listovi plastelin, vuna. Drugi dio radionice je namijenjen za relaksaciju, osvježanje, jogu, sportske i razne takmičarske igre. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, te da razviju motoriku, osjećaj tolerancije i poštovanje prema drugima i usvoje lijepo ponašanje.



Učesnici druge radionice (14:00-15:30), za uzrast 8+, su vrijedno učestvovali u raznim aktivnostima. Ponedjeljkom je kreativno izražavanje na kojima su učesnici i ovaj mjesec pravili kreacije koristeći razne materijale: dekorativne čestitke, postere sa porukama mira; održane su naučne radionice – programiranje u Payton programu, te jednostavno programiranje u FMS-u – kreiranje loga. Utorkom su učesnici vježbali engleski jezik i svakodnevnu komunikaciju, te osnove iz španskog jezika; učestvovali su i u igrama prijateljstva koje poboljšavaju učenje stranih jezika u grupi i timski rad. Pored ovih aktivnosti, učesnici su

na muzičkim radionicama radili muziku u Chrom lab-u, što je nešto sasvim novo (učesnici su bili oduševljeni). Srijedom su se održale radionice diskusije na temu pozitivne i negativne strane globalizacije; radionice filozofije (prilagođene uzrastu): „Tramvaj dilema“ i „Mozak u staklenci“.

Četvrtkom su se družili uz sportske aktivnosti društvene i teambuilding igre, a petkom su nastavili raditi na radionicama njemačkog i japanskog jezika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugom i usvoje lijepo ponašanje. Koordinator radionica je bio Adin Midžić uz asistenciju lokalnih, Weltwärts i EVS/ESC međunarodnih volontera. Sve aktivnosti se održavaju u Omladinskom centru Brčko distrikta.

## Radionica gitare

Učesnici ovih radionica utvrđivali su naučeno gradivo i radili na novim etidama i kompozicijama. U ovom mjesecu počeo je rad na zahtjevnijem materijalu kao što je „Tango en skai“ (R. Dyens) za nešto naprednije kao i „Zekini jadi“ (Alfi Kabiljo) za početnike.

## Radionica sambe

Učesnici ove radionice su počeli raditi na dvije nove ideje. Jedna je bez žičanih instrumenata nešto bržeg tempa, dok je druga u G-duru sa gitarama. Za obje kompozicije učesnici su osmislili po tri prelaza.

## Zero Discrimination Day

UN je 1. mart proglasio za „Dan bez diskriminacije“, kako bi širio svijest o sveprisutnoj diskriminaciji u našem društvu i potakao ljude na akciju u borbi protiv nje. Omladinska Organizacija Svitac održala je radionice na ovu temu. Prva grupa od jedanaest učesnika u dobi od 4-7 godina raspravljala je o razlikama među ljudima, došli su do zaključka da tolerišu razlike i gledali su crtane filmove koje se bave tim pitanjima.



Druga grupa od pet učesnika u dobi od jedanaest do trinaest godina vodila je raspravu o tome šta je zapravo diskriminacija i je li ona prisutna u njihovoj lokalnoj zajednici i kako joj se suprotstaviti. Nakon toga napravili su 3D objekat pod nazivom Univerzalni čovjek.

## Interaktivna radionica povodom Međunarodnog dana žena



Povodom Međunarodnog dana žena (08.03), dva razreda iz JU Gimnazije „Vaso Pelagić“ iz Brčko distrikta su posjetila Omladinsku organizaciju Svitac u Omladinskom centru, kako bi u okviru nastave njemačkog jezika učestvovali na interaktivnoj radionici njemačke komunikacije. Tokom radionice 17 učenika se bavilo temama vezanim za stereotipove i razlike u rodovima, te o ulogama žena i muškaraca u društvu.

Poseban naglasak bio je na muško-ženskim zanimanjima i tržištu rada.

Poruka koju su učenici ponijeli sa sobom je jasna: Radite ono što vaše srce želi i nemojte dopustiti da vas netko uvjeri da ne možete! Možemo postići sve što želimo. Radionica je održana u prostorijama Omladinskog centra.

## „Međunarodni dan sreće“



20-ti mart, UN je proglasio za “Međunarodni dan sreće”, dan kojim se podsjeća da se trebamo boriti za sreću svih ljudi širom svijeta. Omladinska organizacija Svitac održala je radionicu za djecu od 5 do 8 godina i zajedno smo otpjevali pjesmu „Kada si sretan“, a zatim ih pitali šta ih čini sretnima. Na drugoj radionici učesnike od 8 do 13 godina smo također pitali šta ih čini sretnima i zašto, a nakon toga smo zajedno razmislili o stvarima koje pokušavamo da izbjegnemo kako bismo bili sretni. Osim toga, raspravljali smo o važnosti mentalnog, fizičkog i emocionalnog zdravlja. Centralno pitanje je bilo šta čovek može da uradi da se brine o sebi. Radionice su se održale u prostorijama omladinskog centra.

## Međunarodni dan borbe protiv rasizma

Sedmicu radionica u kojoj smo se bavili anti-rasizmom započeli smo 18.03. sa manjom fokus grupom. Zajedno sa učesnicima smo razgovarali o različitim aspektima rasizma i rasne diskriminacije. Kako bismo povećali svjesnost i borili se protiv povremenih diskriminirajućih primjedbi, ukazali smo na uobičajene njemačke fraze i riječi koje podržavaju rasističke misli i stoga ih se ne smije i ne treba koristiti. Ova radionica je održana u okviru komunikacijske grupe na njemačkom jeziku za srednjoškolce.

Naredne tri radionice su održane 21.03. Sa učesnicima uzrasta 4-7 godina razgovarali smo o tome kako ljudi mogu izgledati drugačije (boja kose, boja kože). Kombinujući metodu prilagođenu uzrastu i razigrane aspekte interaktivnih vježbi, zamolili smo najmlađe učesnike da razmisle o razlikama među njima i da li različitosti zaista utiču na to sa kime se mogu igrati ili ko može biti njihov prijatelj. Nakon manje interaktivne vježbe, učesnici su izjavili da mogu biti prijatelji sa osobama koje izgledaju drugačije i da se mogu igrati zajedno.

Na drugoj radionici za uzrast 8+ učesnici su dobili zadatak da razmisle o tome kako vide rasizam u svom svakodnevnom životu. Na tabli su napisane asocijacije "Evropa" i "Afrika" kako bi razmislili o idejama stereotipa i o dinamici rasističke moći. Cilj radionice je bio da učesnici postanu svjesniji manje očitih oblika rasističkog ponašanja s kojima se mogu susresti u svakodnevnom životu.

U večernjem terminu smo održali poseban događaj za uzrast 16+. Razgovori o rasnoj diskriminaciji često su usredotočeni na Afriku ili Afroamerikance. Iako su to svakako vrlo važne teme za raspravu, ovaj put smo se htjeli usredotočiti na nešto što je bliže našoj svakodnevnicu ili geografskom položaju. U ovom slučaju smo se fokusirali na romsku populaciju, koja živi u različitim evropskim zemljama. Prvo smo razgovarali o situaciji u balkanskim zemljama, a posle smo pogledali dokumentarni film, koji se više fokusirao na Rome u zapadnoevropskim zemljama kao što su Francuska, Italija i Španija.

Sve radionice su održane u prostorijama Omladinskog centra Brčko distrikta. Koordinator radionica je bila međunarodna volonterka iz Njemačke Fabia Stroetmann.

Za april se planira nastavak svih redovnih radionica Omladinske organizacije Svitac.





## Udruženje studenata Medicinskog fakulteta u Tuzli "Medicus"

Univerzitetska br. 1., 75 000 Tuzla

Tel: predsjednik: 00 387 (62) 944-739; sekretar: 061/547 163;

Telfax: 035/320-600(1).

web: [www.us-medicus.ba](http://www.us-medicus.ba); e-mail: [medicus.tz@gmail.com](mailto:medicus.tz@gmail.com); [info@us-medicus.ba](mailto:info@us-medicus.ba)

## Uspješno završena šesta Sedmica mozga u Tuzli

U sedmici od 11. – 17.03. u Tuzli je po šesti put zaredom postala epicentar neuroznanosti kroz projekat „Tuzla Brain Week 2019“, kojeg organizuje Studentsko vijeće Medicinskog fakulteta Tuzla „MEDICUS“, a ove godine su se pridružile i druge partnerske organizacije - uključujući Udruženje studenata medicine Bosne i Hercegovine „BoHeMSA“, Udruženje studenata elektrotehnike „EESTEC“, IEEE studentski ogranak Tuzla te BH Futures Foundation.



Ovogodišnji mentori projekta su prof.dr. Dževdet Smajlović, načelnik Klinike za neurologiju UKC Tuzla i prof.dr. Mirsad Hodžić, načelnik Klinike za neurohirurgiju UKC Tuzla, te koordinator projekta Adnan Mujanović, student Medicinskog fakulteta Tuzla. Tema ovogodišnje Sedmice mozga je neuroplastičnost mozga.

Jedan od glavnih ciljeva Tuzla Brain Weeka jeste edukacija sveopćeg stanovništva, te se taj dio realizira putem dobrih radionica, koje neuroznanost prenose ka svim populacionim grupama na posebno osmišljen način. Dobne radionice su ove godine održane: JU Naše dijete – vrtić Poletarac, Osnovna škola „Tušanj“, Gimnazija „Meša Selimović“, Srednja medicinska škola Tuzla, KŠC „Sveti Franjo“ Tuzla, Farmaceutski fakultet, Prirodno-matematički fakultet, Elektrotehnički fakultet Univerziteta u Tuzli, JU

„Dom penzionera“ Tuzla, te Zavod za odgoj i obrazovanje osoba sa smetnjama u psihičkom i fizičkom razvoju Tuzla.

„Intelektualni nivo zavisi pre svega od mozga i moždanih ćelija tako da uvek trebamo stavljati akcenat na neuronauku i baviti se njome, jer budućnost jeste u proučavanju ove oblasti“ poručio je Irfan Šabotić aktivni učesnik sa Medicinskog fakulteta u Nišu

Na ceremoniji otvaranja koja se održala početkom sedmice, prisustvovalo je preko 200 zvanica, gostiju, profesora, studenata i drugih zainteresovanih. U toku same sedmice, preko 100 učesnika projekta, iz 7 prijavljenih zemalja, je imalo priliku prisustvovati na radionicama i predavanjima iz oblasti poput neurologije, neurohirurgije, neurokardiologije, urgentne medicine, zatim radionice iz inženjerskih i tehničkih grana koje se povezuju sa ovogodišnjom temom Sedmice mozga.

Kao i svake godine, u toku Sedmice mozga poseban dio je posvećen promociji studentskog naučnog rada putem naučno-istraživačke sesije, gdje su svi aktivni učesnici prezentovali svoje naučno-istraživačke radove, te bili nagrađeni za iste. Ove godine je prihvaćeno 12 radova za prezentaciju, od čega su prva tri osvojili vrijedne nagrade.



„Putem ove sesije sam imala priliku održati izlaganje rada na kojem se veoma dugo radilo i na koga sam veoma ponosna. Najveća prednost ovakvih dešavanja jeste međusobno upoznavanje studenata te razmjena iskustava.“ Dojmovi su Malvine Tzanidaki sa Medicinskog fakulteta u Atini koja je izlagala rad iz oblasti neurologije vida.

Jedan dan u samoj Sedmici je bio posvećen i biomedicinskom inženjeringu, te je u prostorijama Narodnog pozorišta Tuzla, omogućeno svim učesnicima, kao i svim zainteresiranim građanima, da steknu najnovije informacije o ovoj multidisciplinarnoj nauci. U okviru „TBWQuiz“ aktivnosti, učesnici su se takmičili i radili zajedno sa ciljem treniranja vlastitih kognitivnih sposobnosti. Jedan od mnogobrojnih ciljeva projekta jeste i djeljenje pozitivnih priča o uspješnim mladim ljudima, a to se ostvaruje preko aktivnosti „TBWTalks“, gdje su ove godine govornici dolazili iz Tuzle, Sarajeva, Ljubljane i Melburna.

Ukupni utisci svih uključenih su većinom pozitivni, te je ovom sedmicom i Bosna i Hercegovina stavljena na globalnu mapu obilježavanja Globalne sedmice mozga, obzirom da je Tuzla jedini registrovani partner iz naše zemlje za ovu inicijativu.





## PRONI Centar za omladinski razvoj

Ul. Mehmedagića 24, 76100 Brčko distrikt BiH  
Tel./Fax: +387 49 217 695  
E-mail: pronibrcko@teol.net  
www.pronibrcko.ba

### Mirovne akcije „Uljepšajmo mir“

Na osnovu Javnog poziva za mirovne akcije u 10 BiH gradova primili smo 32 aplikacije iz 18 opština/općina iz čitave BiH. Prijatno smo iznenađeni brojem pristiglih prijava za mirovne akcije u BiH. Odabrali smo 10 najuspješnijih aplikacija i podržali rad PRONI Ambasadora mira. Javni poziv je objavljen u sklopu projekta "Uljepšajmo mir" i nastavka istoimenog kampa koji je podržan od United States Embassy to Bosnia and Herzegovina.

### Održane prezentacije „Svi aktivni i ravnopravni u svojim zajednicama“

U saradnji sa IN fondacijom održali smo prezentaciju projekta pod nazivom "Svi aktivni & ravnopravni u svojim zajednicama", gdje je 30 mladih dobilo znanje o rodno zasnovanom nasilju. Prezentacija se održala u Omladinskom centru u Brčkom. Projekat je podržan od Ujedinjenih nacija iz projekta "Dijalog za budućnost" i pod pokroviteljstvom Predsjedništva Bosne i Hercegovine koji sprovode UNICEF, UNESCO, i UNDP. Mladi imaju mogućnost da pošalju svoje motivaciono pismo, kako bi prisustvovali dodatnoj obuci o rodno zasnovanom nasilju i pisanju projektnih prijedloga, nakon čega će biti podržani finansijski za svoje projektne prijedloge.

### Primljeni novi volonteri

Imali samo jako težak zadatak, da od 47 prijava za volontere odaberemo njih osam. Zbog velikog broja kvalitetnih prijava odlučili smo se da ipak primimo trinaest novih volontera koji će biti angažovani u POK – PRONI Omladinskim klubovima u Mostaru, Sarajevu, Banja Luci i Bijeljini.

Radujemo se što ćsu se našem timu pridružili novi mladi ljudi koji će svojim volonterskim aktivnostima pridonijeti ostvarivanju misije i vizije PRONI Centra.

PRONI Omladinski klubovi su aktivnost PRONI Centra u sklopu #STaRBiHprojekta.

### Trening za omladinske radnike



PRONI Centar organizovao je četvorodnevni trening za omladinske radnike koji će raditi sa mladima u PRONI Omladinskim klubovima u Bijeljini, Sarajevu, Mostaru i Banja Luci.

Trening je pored izgradnje tima imao za cilj pripremu plana i programa aktivnosti za rad POK-a, učenje o PRONI pravilnicima, OKORUZ-u, volonterima i strategiji.

## PRONI Akademija Omladinskog Rada

PRONI Centar za omladinski razvoj je raspisao poziv za sve zainteresovane mlade ljude od 18-30 godina da se prijave na PRONI Akademiju Omladinskog Rada – PAOR u nekom od sljedećih gradova: Sarajevo, Mostar, Banja Luka i Bijeljina.

PAOR je jedinstven program PRONI Centra koji pruža mladim ljudima znanja iz oblasti Omladinskog rada, omladinskog aktivizma i rješavanje konflikta. PAOR Akademija se sastoji iz dvanaest modula kroz period od godinu dana.

Prijave za PAOR su bile otvorene do 31.03.

## „It's Up To Us“



Aktivno smo učestvovali na treningu "It's Up To Us", koji se održavao u Strasburgu u Francuskoj, u zgradi Evropskog omladinskog centra, a podržan je od Vijeća Evrope. Razgovarali smo o omladinskom radu, omladinskoj politici i omladinskim radnicima. Na treningu je prisustvovalo 33 učesnika iz preko 20 država Evrope. Bilo nam je zadovoljstvo predstaviti naše iskustvo kao omladinska organizacija koja radi na nacionalnom nivou.

## PRONI Omladinski klub Bijeljina svečano je otvoren!

Prvi u nizu PRONI Omladinskih klubova kojeg kao partneri otvaramo u sklopu #STaRBiH projekta, kojeg sprovodi Karuna Center for Peacebuilding, uz podršku USAID Bosnia and Herzegovina.

Svečanom otvaranju prisustvovali su: Gradonačelnik Bijeljine Мићо Мићић /Mićo Mičić/, Načelnik odjeljenja društvenih djelatnosti Samer El Šejk, Šef odsjeka za poslove MZ Slaviša Savić, Koordinator gradskih MZ Dalibor Lazić, šef Odjela za obrazovanje i nauku, porodičnu i dječiju zaštitu, mlade i nevladine organizacije Ljubica Mladenovic, Predsjednik MZ "Vuk Karadžić" Marko Krajišnik, članica Savjeta MZ "Vuk Karadžić" Dragana Stjepanović, šefica kancelarije za romska pitanja "Siguran korak" Begzada Jovanović, Predstavnicu Helsinškog odbora za ljudska prava, mediji, PRONI volonteri iz Bijeljine i uposlenici PRONI Centra.



## „Šta djeca znaju o zavičaju danas“

U okviru projekta "Šta djeca znaju o zavičaju danas" u partnerstvu sa Magacin Kabare, nakon kampa na Trebeviću održali smo fokus grupu u Omladinskom centru u Brčkom sa mladima iz Gornjeg Vakufa – Uskoplja, zajedno sa mladima iz Brčkog gdje smo razgovarali o suživotu u Brčkom, aktuelnoj situaciji mladih u BiH, životu nakon rata i ličnim utiscima na stanje u društvu.

Drago nam je da ima mladih ljudi koji vjeruju u bolje sutra u našoj državi, na svima nama je da aktivno radimo na izgradnji kvalitetnog društva. Nakon diskusije mladi su obilazili grad i družili se na Ficibajeru. Projekat je podržan od United States Embassy to Bosnia and Herzegovina

## Connect International sastanak u Briselu

PRONI Centar kao jedan od partnerskih organizacija iz čitave Evrope u prethodnom periodu registrovao je međunarodnu organizaciju Connect International, sa sjedištem u Briselu.

Od 15.-19.03. članovi tima i predstavnici partnerskih organizacija imali su sastanak u Briselu u sklopu prvog projekta #UpDatAed gdje smo razgovarali o budućim aktivnostima koje će osigurati uspješnu sprovedbu projekta u kojim želimo obezbijediti digitalnu sigurnost organizacijama mladih.

## Sastanak u sklopu #STaRBiH projekta

U susret otvaranju PRONI Omladinskog kluba u Mostaru (20.03.) imali smo sastanak tima i partnerskih organizacija #STaRBiH projekta gdje smo razgovarali o dosadašnjim rezultatima kao i planovima za sljedeće aktivnosti projekta.

## PRONI Omladinski klub Mostar svečano je otvoren!



Drugi u nizu PRONI Omladinskih klubova kojeg kao partneri otvaramo u sklopu #STaRBiH projekta, kojeg sprovodi Karuna Center for Peacebuilding, uz podršku USAID Bosnia and Herzegovina.

Hvala svim prisutnim iz gradske uprave, medijima, organizacijama, a posebno Centru za kulturu Mostar za ukazano povjerenje i njihov doprinos realizaciji vizije PRONI Centra i nadamo se da ćemo uspješno nastaviti kreirati bolji svijet za mlade.

## Trening za trenere

U periodu od 25 - 26. marta 2019 omladinski radnici POK Mostar i POK Bijeljina prisustvovali su treningu za trenere prema priručnik "Aktiviraj", u okviru realizacije projekta "Aktivni mladi za transparentne parlamente", implementiran od strane Perpetuum Mobile.

## RAN Young Empowerment Academy

Predstavnici PRONI Centra i Omladinskog resursnog centra Tuzla - ORC Tuzla kao jedini predstavnici iz BiH učestvovali su na prvom od četiri modula "RAN Young Empowerment Academy" koju organizuje Radicalisation Awareness Network – RAN, podržan od Council of the European Union.

Na prvom modulu unaprijedili smo ideje lokalne inicijative koju ćemo sprovesti u toku ove godine, a tema akademije kao i inicijativa je prevencija nasilnog ekstremizma.



## PRONI Omladinski klub Sarajevo svečano je otvoren!

Treći u nizu PRONI Omladinskih klubova kojeg kao partneri otvaramo u sklopu #STaRBiH projekta kojeg sprovodi Karuna Center for Peacebuilding, uz podršku USAID Bosnia and Herzegovina.

Svečanom otvaranju prisustvovali su: Lejla Lihovac - Stručni saradnik za mlade pri Ministarstvu obrazovanja Kantona Sarajevo, Armin Omerovic - direktor JU Centar kulture i mladih Općine Centar Sarajevo, Amra Pandžo - direktor #STaRBiH projekta, Željko Vukša-Fejzić - Predsjedavajući Vijeća Mladih Općine Centar Sarajevo, Leja Musić - Stručni saradnik za mlade Općina Novo Sarajevo, Vijeće mladih Federacije BiH, UNFPA Bosnia and Herzegovina, predstavnici nevladinih organizacija iz Sarajeva i partnerskih organizacija na projektu #STaRBiH, mediji, PRONI volonteri iz Sarajeva i uposlenici PRONI Centra.



Zahvaljujemo se svima koji su doprinijeli realizaciji vizije PRONI Centra i nadamo se da ćemo uspješno nastaviti kreirati bolji svijet za mlade!





## Asocijacija srednjoškolaca u Bosni i Hercegovini

Ul. Mula Mustafe Bašeskije 7, 71000 Sarajevo  
Tel/fax: +387 33 205 850  
E-mail: asubih@yahoo.com  
Web: www.asubih.ba

### „4Mental Health“

"4Mental Health" je projekat kojeg organizuju i implementiraju 4 lokalna tima Asocijacije srednjoškolaca u Bosni i Hercegovini: Maglaj, Breza, Visoko i Kakanj.



Projekat obuhvata radionice o mentalnom zdravlju koje će se realizovat u gore navedenim lokalnim zajednicama, a teme su: Psihologija, emocije, komunikacija, stereotipi i predrasude. "Priprema projekta teče izvanredno. Imamo sastanke koji se održavaju u navedana 4 grada.

Prvi sastanak se održao u Brezi, na tom sastanku smo se dogovorili da radimo projekat radionica za mentalno zdravlje", kazao je Emin Brkić.

Na pomenutim radionicama prisustvovat će stručna lica odnosno psiholozi, sociolozi, pedagozi i sl. Online prijavnice će moći popuniti i poslati bilo koji zainteresovani srednjoškolac koji pohađa školu u Maglaju, Kaknju, Brezi i Visokom.

S obzirom da se radionice održavaju u vrijeme redovne nastave, učesnicima radionica koje odaberu biti će opravdani časovi sa kojih budu odsustvovali taj dan. Zainteresovani za radionice će blagovremeno biti obaviješteni o toku i planu istih.

Projekat je podržan iz Fonda Socijalnog dana 2018.

Veliko bravo!

### Rezultati podržanih projekata su tu!

Asocijacija srednjoškolaca u BiH je ove godine nakon raspisanog konkursa za dostavljanje projektnih ideja koje će biti podržane iz Fond Socijalnog dana 2018. godine zaprimila ukupno 43 projektnih ideja, od kojih je odlukom komisije, 32 dobilo finansiranje!

A projekti koji su podržani su:

**\*Poredak podržanih projekata je napravljen isključivo po abecednom redu\***

1. "Zvuk mladosti 2k19" Bihać
2. "(UP)date you" Bijeljina
3. "Svi naši teen-dani upornošću obojani" Brčko
4. "Special office" Breza
5. "ARTivističko ljetno" Bugojno
6. "BusOn" Busovača
7. "Krajiško ljetno 2019" Cazin
8. "Baket 3x3" Čajniče
9. "Art Puzzle" Doboj

10. "Igre bez granica" Fojnica
11. "Uređenje školskog dvorišta" Gacko
12. "Chill Zona" Gračanica
13. "Projekti2" Istočno Sarajevo
14. "Dan LT Kakanj" Kakanj
15. "Školski murali" Konjic
16. "4 Mental health" Maglaj
17. "Ozelenjavanje javnih površina" Nevesinje
18. "U komšiluku" Posušje
19. "Klupa za sve" Prijedor
20. "Movie in Peace" Sanski Most
21. "Inicijativa za uspostavljanje kvalitetnijeg standarda revizija o radu škola" Sarajevo
22. "Školski park" Srbac
23. "Uređenje školskog WC-a" Srebrenik
24. "Dnevni boravak" Stolac
25. "Youth Love Festival" Šamac
26. "Jer smo bitni- Zakon o mladima ŽZH" Široki Brijeg
27. "Igranje ili iglanje" Tešanj
28. "Oscar goes to" Trebinje
29. "Olimpijada srednjoškolaca 2019" Tuzla
30. "Operacija Furam mural" Velika Kladuša
31. "Ljetna olimpijada Visoko" Visoko
32. "Mjesto za sve nas" Žepče

***\*Prije potpisivanja ugovora, Upravni odbor organizacije ima pravo da zatraži od koordinatora/ice projekta da izvrši određene izmjene na projektnom prijedlogu, uključujući prilagodbe budžeta radi efikasnosti utroška sredstava.\****

Koordinatori projekata će biti kontaktirani do kraja sedmice.

Ovom prilikom želimo svima još jednom čestitati na trećem uspješno realizovanom Socijalnom danu, jer zahvaljujući isključivo vama koji ste cijelu godinu vrijedno radili, sada imate priliku realizovati i svoje ideje.

Hvala svima koji su aplicirali sa svojim idejama, vjerujemo da će i one koje nisu podržane iz ovog Fonda naći svoj put do realizacije.

Pokazali smo još jednom da se trudom, radom i velikom upornošću dosta toga može postići.

Nije bilo lako izabrati najbolje od najboljih, ali ipak bitno je znati da srednjoškolci imaju jako kreativne ideje! Još jednom čestitamo svima na trudu i zalaganju, sjajnim idejama i genijalnim prilikama koje zajedno stvarate za sve srednjoškolce ove države!

Hvala svima koji su se prijavili na Fond Socijalnog dana 2018. Nadamo se da će naredni biti još uspješniji i još veći!

## INFORMACIJE / DONATORI / POZIVI

### Podsticajno okruženje za razvoj socijalnog preduzetništva i turizma za žene u BiH

Cilj projekta je da se kroz podršku za socijalno poduzetništvo u kulturnom turizmu, pomogne u rješavanju problema ekonomske nejednakosti žena u Bosni i Hercegovini.

Šta je to socijalno poduzetništvo, koje su mogućnosti i potencijali kulturnog turizma u BiH, možemo li i kako planiramo napraviti zajednički koncenzus za unapredjenje turizma u BiH? Ko su nase uspješne preduzetnice? Odgovore i rješenja daje Projekt.

Ovim putem tim Projekta poziva sve zainteresovane, a posebno uspješne preduzetnice i inovatorice da lajkuju i podijelite stranicu projekta [@poduzetnice.org](https://www.poduzetnice.org) da se na taj način upozna šira javnost sa ovim značajnim projektom, te zajednički učestuje u istom.

Zanimljivosti koje slijede su: medijska kampanja naših super uspješnih preduzetnica i inovatorica u BiH, nacionalna konferencija u Jajcu, okrugli stolovi..i mnoge druge značajne aktivnosti.

Nosilac Projekta je [Pina.si](http://Pina.si)

Stranica Projekta [“Podsticajno okruženje za socijalno preduzetništvo i turizam za žene u BiH”](#)

### Švicarski grantovi za male projekte 2019. – 2022.

Cilj [Strategije saradnje Švicarske u Bosni i Hercegovini \(PDF, 2.2 MB\)](#) je stvoriti više i bolje socijalne, ekonomske i političke mogućnosti za građane i građanke Bosne i Hercegovine. Osnov Strategije čine veliki i dugoročni programi.

Kako bi se podržale komplementarne inicijative, Ambasada Švicarske u BiH može dodatno (su)finansirati projekte koje provode lokalne organizacije uz pomoć grantova za male projekte.

Prihvatljivi projekti moraju biti inovativni, manji i socijalno, ekonomski, ekološki i politički relevantni. Intervencije moraju dati opipljive rezultate na individualnom i/ili nivou politika i direktno doprinijeti rezultatima sadašnje Strategije i šire.

Postoji značajan potencijal za dodatnu vrijednost u malim projektima kada su oni autentični i kreativni sa vidljivim uticajima, te kada se pilotiraju nova lokalna partnerstva. Osim toga, oni mogu djelovati kao pokretači za otkrića novih ideja ili pristupa.

Ambasada se fokusira na pružanje podrške projektima u svim geografskim područjima BiH.

#### Prijave

Najprije pročitajte kriterije prihvatljivosti i uslove na: [link \(PDF, 559.8 kB\)](#).

Podnosioci prijave se pozivaju da pošalju elektronske kopije popunjenih obrazaca za prijavu i budžet (vidi linkove u nastavku) na sljedeću e-mail adresu: [sar.smallactions@eda.admin.ch](mailto:sar.smallactions@eda.admin.ch) s naslovom „Prijava za male projekte“. Ambasada će primati prijave sve dok odobrena sredstva za grantove za male projekte ne budu utrošena.

Prijave sa potraživanjem doprinosa jednakog ili većeg od 20.000 CHF ekvivalentno predstavljenog u valuti BAM (prema kursnoj listi u vrijeme podnošenja projektnog prijedloga) moraju se dostaviti na engleskom jeziku, dok se ostale prijave mogu podnijeti na engleskom ili lokalnom jeziku.

Svaka organizacija ili institucija može dobiti sredstva samo za jedan projekat u trenutnoj fazi malih projekata Ambasade (mart 2019. – februar 2022.).

Ne zaboravite spasiti obrasce na svom kompjuteru prije početka ispunjavanja prijave.

#### Obrazac za prijavu:

- [Lokalni jezik \(DOCX, Pages 4, 45.6 kB\)](#)
- [Engleski jezik \(DOCX, Pages 4, 45.5 kB\)](#)

#### Obrazac za budžet:

- [Lokalni jezik \(XLSX, 13.8 kB\)](#)
- [Engleski jezik \(XLSX, 15.0 kB\)](#)

#### Strategija saradnje Švicarske u BiH

- [Lokalni jezik \(PDF, 2.2 MB\)](#)
- [Engleski jezik \(PDF, Pages 44, 3.4 MB\)](#)

## Coca – Colina podrška mladima

**Nauči više, primijeni znanje i kreni dalje – #NaučiPrimijeniKreni**

### Šta je Coca-Colina podrška mladima u BiH?

Projekt Coca-Colina podrška mladima je nacionalni program kompanije Coca-Cola HBC B-H Sarajevo koji treću godinu zaredom prepoznaje, razvija, osnažuje i motivira na uspjeh učesnike, čineći ih konkurentnijim na tržištu rada.

Nezaposlenim motiviranim pojedincima, otvorenim za nova saznanja i prilike, program nudi učenje životnih i poslovnih vještina neophodnih za zapošljavanje i bolje pozicioniranje na tržištu rada. Projekt je namijenjen mladim ljudima starosne dobi od 18 do 30 godina i cilj mu je pružiti podršku mladima, naročito onima koji nisu zaposleni, niti su uključeni u neki program obuke te onima koji se nisu školovali ili se ne školuju. Fokus programa je na nezaposlenima koji žele unaprijediti svoja znanja, vještine i kompetencije.

Coca-Cola HBC B-H Sarajevo Coca-Colinu podršku mladima pokrenula je 2017. godine i tada je program obuhvatio 200 mladih iz sarajevske i banjalučke regije. Naredne 2018. godine program je realiziran u dvanaest gradova i općina širom Bosne i Hercegovine, a učestvovalo je skoro 700 mladih.

Ove godine kroz program dvodnevni radionica i posebno osmišljenih prilagođenih predavanja uz vrhunske predavače, profesionalce i mentore, Coca-Colina podrška mladima će za 1.300 mladih omogućiti da razvijaju i usavrše poslovne i lične vještine te steknu kompetencije koje će im pomoći da brže i lakše dođu do zaposlenja.

Prati nas na [Facebook-stranici programa](#) kao i zvaničnoj stranici Coca-Cole HBC B-H Sarajevo i saznaj stižemo li i u tvoj grad!

Iskoristi priliku i prijavi se! #NaučiPrimijeniKreni

### Zašto Coca-Colina podrška mladima?

Ako imaš 18—30 godina, nemaš posao, a imaš želju da razvijaš sebe i svoje vještine i kompetencije koje će ti pomoći da povećaš svoje šanse za bolju budućnost i zaposlenje, ako smatraš da su ti potrebne smjernice i savjeti kako da pronađeš i ugrabiš najbolju priliku, ostaviš dobar utisak i pokažeš sve svoje kvalitete u najboljem svjetlu, a otvoren/-a si za nova saznanja, nova poznanstva i nove kontakte, onda je ovo program za tebe.

Prijavi se na program Coca-Colina podrška mladima u BiH, koji će se ove godine održati u više od 12 bosanskohercegovačkih gradova!

Izvor: <https://ba.coca-colahellenic.com>



### Dragi prijatelji,

*Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.*

*Rok za dostavljanje informacija za svako naredno izdanje je 30-ti u mjesecu.*

*Adrese za slanje vaših informacija za mjesečni bilten:*  
**Omladinski resursni centar  
Tuzla  
Hadži Bakirbega Tuzlića 1  
75000 Tuzla  
tel/fax: 035 258 077  
e-mail: [orcuzla@bih.net.ba](mailto:orcuzla@bih.net.ba)  
[hcatuzla@bih.net.ba](mailto:hcatuzla@bih.net.ba)**

*Mjesečni bilten uređuje  
Omladinski resursni centar -  
ORC Tuzla*

*Prevod Biltena na engleski: **Emir Karamujić***

*WEB stranica Mreže:  
**[www.omladina-bih.net](http://www.omladina-bih.net)***

*Mejling lista Mreže:  
**[posta@omladina-bih.net](mailto:posta@omladina-bih.net)***

*Webmaster:  
**[emir.delalic@gmail.com](mailto:emir.delalic@gmail.com)***